

南開大學中國社會史研究中心資料叢刊

中國珍稀
家譜叢刊

稀見姓氏家譜

17



鳳凰出版社

南開大學中國社會史研究中心資料叢刊

中國珍稀
家譜叢刊

稀見姓氏家譜

17



鳳凰出版社

展氏族譜
(一)

展慶選等纂修

民國五年

三冊五部

展氏族譜

昇

刃

剋

齋

(一)

三冊正暗

另圖正平

昇剋刃齋

展氏族譜

總序

民國五年歲次丙辰



展氏族譜

平陰共和石印局印

展氏族譜總序

展氏之先系出黃帝姓公孫名軒轅國於有熊故號
有熊氏長於姬水故又以姬為姓生子玄囂名摯為
少昊金天氏玄囂生蟠極蟠極生帝嚳名叡音乙是
為高辛氏帝嚳之元妃姜嫄生棄堯舉棄為農師封
於有邰號曰后稷別姓姬氏后稷卒子不窋立不窋
生鞠鞠生公劉遷於豳公劉生慶節慶節生皇僕皇
僕生差弗差弗生毀隃毀隃生公非公非生高圉高

圉生亞圉亞圉生公叔祖公叔祖生古公亶父自邠
遷岐亶父傳位於少子季歷季歷生昌為西伯侯昌
之子發克商而有天下是為武王武王封其弟周公
旦於魯及成王立年幼周公留相王室世子伯禽就
封是為魯公魯公薨子苒嗣是為考公考公傳弟熙
為煬公煬公傳子宰為幽公幽公傳弟魏公魏公傳
子厲公厲公傳弟獻公獻公傳子貞公貞公傳弟武
公宣王十二年武公以其二子括戲見王王命戲為

世子武公薨戲立為懿公二十一年懿公兄括之子
伯御弑其君自立三十二年伯御伏誅立懿公之弟
稱為孝公孝公生子四人長惠公次益師字衆父其
後為衆氏公子彊食臧邑其後為臧氏公子展生公
孫夷伯夷伯生無駭及無駭卒羽父請諡與族於隱
公公問族於衆仲衆仲對曰天子建德因生以賜姓
胙之土而命之氏諸侯以字為諡因以為族官有世
功則有官族邑亦如之公命以其王父之字為展氏

故無駭之後世為展氏無駭生獲

字

季禽為魯士師

食邑柳下享壽九十三歲卒諡曰惠稱和聖焉

柳下志

曲阜古魯侯城也迤北二十餘里有地名柳莊者即柳下也和聖仕魯食米於茲致仕之後遂居於此歿年雖莫故趙村其一時之建置悉在是焉迨楚滅魯之後展氏子孫或居故趙或徙他鄉居柳下者不過數十家歷秦漢晉唐以迄於今世遠年湮故物率多蕩覆惟甘泉之井二千餘年矣猶完固如初歷來隕墜實繁有徒從無陷溺而死者即此井之無凶足

徵 和聖之仁是故邑之士庶從而過者莫不指之
曰柳下惠井

柳下故基

和聖食邑柳下地勢宏敞世久年湮鄰人侵占十有
六七下餘地基南北十五步東西橫八步清界入譜
以垂於後云爾

墓志

瑕邱之東北有里名故趙村者魯地也泉甘而土肥

民淳而俗美 和聖與門人嘗遊於此後語門人曰
吾歿當卜葬於此及卒子請諸魯君而卜葬焉門人
施仲民等築其墓封高丈餘袤九十尺其級三階

詳見府縣志

廟志

周赧王三十年秦人伐齊道經 聖墓景仰情深形
諸夢寐不忘者竟宿靄然如對春風凜凜視若師保
及旦猶致其恍惚焉於是愛慕之情彌深保護之意

愈切令曰有敢近柳下季壠而樵採者死不赦即於墓上建祠圖夢像於其中尊曰柳下先生自從門人之稱也墓祠之建始此

漢明帝永平十四年靈雨月餘 聖墓坍塌瑕邱令史大

年培補修葺迨後又修廟纂入志

並載府縣志

晉大寧二年檀斌為兗州刺史經過此處見廟將傾圮墓
亦坍塌修葺重新自晉之後歷唐之貞觀宋之景和
修葺代有其人迨五代兵亂土寇蜂起肆行踐踏勢
將平陷展氏逃匿幾無人焉幸有邑人王姓者目覩
心傷糾衆佑護祠墓賴以保全

晉穆帝永和九年三十三代祖應豐謂祖廟在墓上當祀之時情傷踐躋且合族不能盡容不若修於公所祭則皆至俾我族人知尊卑有等長幼有序不忘祖功宗德之舊咸知敬長恤幼之誼東城內有公產一處遂糾合族衆量力出貲建修祠廟大殿後殿垣墻門庭煥然可觀自此祭享乃於是焉

大明嘉靖六年勅奉

皇上諭旨古昔聖賢

帝王陵寢祠墓分諡號造冊詳報

咨部母違等因道司蒙府官吏照依咨案劄內事理
即便轉勅所屬府憲劉大人題達報部奉 勅撤毀
淫祠建

和聖木主致備牲醴以薦馨香

嘉靖六年府憲劉公蒞任之初恭謁 聖祠因祠廟

隘小心嘗憾焉適逢嘉靖七年奉

勅撤毀淫祠有東橋北尼寺一坐地勢宏敞殿宇輝
煌劉公乘此撤其佛像逐其尼僧廊廡改故更為章